

Jwenn Pansyon Alimantè pou Timoun an Sekirite: Kisa Ou Ta Dwe Konnen

Sekirite w se yon priyorite

Li enpòtan pou timoun yo resevwa sipò finansye ak medikal nan men tou de paran yo. Pwogram Pansyon Alimantè pou Timoun Eta New York (New York State Child Support Program) la angaje l pou l rann pwosesis pansyon alimantè pou timoun nan pi an sekirite posib pou paran ak pitit yo. Pou resevwa sèvis pansyon alimantè pou timoun, ou dwe bay enfòmasyon sou tèt ou, timoun yo, ak paran ki pa gen gad la. Pandan w ap li sou etap ki anba yo, ou ka vle reflechi sou nenpòt pwoblèm sekirite pwosesis sa a ka souleve epi diskite sou yo ak travayè Pansyon Alimantè pou Timoun ou an.



Etablisman Lyen Parante

Si yo pa etabli lyen parante yo, n ap ede w depoze yon petisyon nan Tribinal Fanmi an. Tou de paran yo pral oblije parèt nan yon odyans tribinal, ki ka an pèsòn oswa vityèl, pou temwaye sou reyalite ak sikonstans ka a.



Etablisman Sipò

N ap ede w ranpli yon petisyon pou pansyon alimantè pou timoun nan Tribinal Fanmi an. Ou ka oblije parèt nan odyans tribinal sa a tou. N ap prezante revni ak depans tou de paran yo epi itilize yo pou detèmine kantite lajan òdonans pansyon alimantè pou timoun nan.



Koleksyon Sipò

Anplwayè yon paran ki pa gen gad ap resevwa yon òdonans Retni Revni pou l retire peman pansyon alimantè pou timoun yo tribinal la te egzije a nan chèk salè paran an epi voye peman yo bay Sant Tretman Pansyon Alimantè pou Timoun yo. Si yo pa dekouvri okenn anplwayè, y ap voye yon deklarasyon fakti chak mwa bay paran ki pa gen gad la ki oblije voye peman dirèkteman nan Sant Tretman Pansyon Alimantè pou Timoun yo.



Modifikasyon

Si yon bagay chanje, oumenm oswa paran ki pa gen gad la kapab depoze yon petisyon pou mande Tribinal Fanmi an modifiye yon òdonans pansyon ki egziste paske bezwen timoun yo oswa revni paran an chanje.



Ranfòsman Sipò

Si paran ki pa gen gad la rate peman, aksyon ranfòsman yo kòmanse lè sèten kritè satisfè. Aksyon sa yo ka gen ladan sezi ranbousman taks Federal ak Eta a, lajan li genyen nan lotri, kont labank, ak règleman pou aksidan pèsònèl; dèt yo rapòte bay ajans kredi; sispansyon lisans chofè; ak refi paspò ameriken.



Ajisteman Kou Lavi (Cost of Living Adjustment, COLA)

Òdonans pansyon alimantè pou timoun ki gen omwen de ane elijib pou revizyon COLA. Revizyon sa a ka ogmante kantite pansyon alimantè pou timoun ke paran ki pa gen gad la dwe peye san l pa ale nan tribinal.

Rete an Sekirite Pandan w ap Chèche Pansyon Alimantè pou Timoun

Pwogram Pansyon Alimantè pou Timoun ak Tribinal Fanmi an gen fason pou ede w jwenn aksè nan sèvis pansyon alimantè pou timoun san danje.

- Mande temwayaj videyo oswa telefòn olye w parèt an pèsòn nan yon odyans tribinal.
- Mande tribinal la pa revele lokal ou, kote w rete, oswa anplwayè w. Tribinal la ka ofri plis prekosyon pou sekirite fizik ou anvan, pandan, ak apre yon odyans, tankou prezans ofisye tribinal la.
- Retire enfòmasyon sou lokal/rezidans ou oswa sou travay ou nan petisyon, avi, oswa nenpòt divilgasyon finansye ki obligatwa. Menmsi yo ka retire adrès ou nan tout fòm yo, li pa posib pou siprime non konte ajans pansyon alimantè pou timoun oswa tribinal ki te pibliye òdonans lan.
- Mande pou randevou w nan laboratwa pou tès jenetik pou etabli lyen parante yo pwograme yon fason separe ak lòt paran an.
- Konseye w sou kijan pou w jwenn yon Òdonans Pwoteksyon.

Benefis Piblik ak Pansyon Alimantè pou Timoun

Si w aplike oswa resevwa Asistans Piblik, ou ka oblije kolabore ak Pwogram Pansyon Alimantè pou Timoun; sepandan, kondisyon sa a ka modifiye oswa elimine si ou gen enkyetid sekirite pou tèt ou ak/oswa timoun yo. Pwofesyonèl Pansyon Alimantè pou Timoun oswa Asistans Piblik ou a kapab eksplike ki aksyon yo ka pran pou ede jwenn aksè nan pwogram sa yo san danje.

Ou ka mete ajou enfòmasyon sou sekirite a NENPÒT KILÈ. Menmsi ou te deja di pwofesyonèl Pansyon Alimantè pou Timoun oswa Asistans Piblik ou ke ou pa t gen okenn enkyetid sou sekirite, bagay yo ka chanje — epi nou vle ede w rete an sekirite.

Si w bezwen pale ak yon moun imedyatman sou sekirite, kontakte:

Liy Dirèk sou Vyolans Domestik ak Seksyèl Eta New York



Tèks
844-997-2121



Rele
800-942-6906



Konvèsè (Chat)
OPDV.NY.GOV

Defansè ki trè byen fòme yo disponib 24/7/365 pou pale konfidansyèlman ak nenpòt moun ki sibi vyolans domestik oswa seksyèl, k ap chèche resous oswa enfòmasyon, oswa kesyone aspè malsen nan relasyon yo.

Pou aprann plis sou sa ki reprezante vyolans familyal, domestik, ak seksyèl ak ki resous ki disponib, ale sou <https://opdv.ny.gov/about-domestic-violence> ak www.nycourts.gov/CourtHelp/Sekirite/DVindex.shtml.

Pou jwenn yon founisè lokal sèvis sou vyolans domestik ki toupre w, ale sou: <https://opdv.ny.gov/domestic-violence-service-providers>.



Yon Pwogram Biwo Asistans
Tanporè ak Andikap

childsupport.ny.gov

Pou plis
enfòmasyon,
eskane isit la:

